

Reunion cu Switch Foundation

Minister Paul Croes impresiona cu talento y creatividad den comunicacion



ORANJESTAD- Minister di asuntonan social Paul Croes a reuni cu Switch Foundation. Switch ta un fundacion cu ta conscientisa nos comunidad por medio di documentarionan interesante ta Switch TV.

Minister Croes den un reunion cu Paula Nahr direc-

tora di Switch foundation a keda impresiona cu e talento y e forma cu switch ta treciendo informacion valioso pa dilanti. Sr. Croes tabata interesa den e filosofia di e fundacion aki, cu tin un forma distinto di crea conscientisacion den nos comunidad. Topiconan di droga, abuso fisico y mental, problemaman social, hubentud y famia



ta entre otro algun tema cu Switch Foundation ta pone atencion riba nan. E directora a mustra Minister riba e situacion financiero di e fundacion y Minister a compromete cu sra. Nahr cu lo bay mira con lo por apoya e fundacion aki. Minister Paul Croes ta considera e trabou di Switch TV uno hopi importante pa nos comunidad..

Riba dia 17 di Bon Dia Aruba a publica cu Switch ta trahando riba un investigacion nobo riba debe y pobresa na Aruba. Sra Nahr a confirma cu esaki ta pa un documentario nobo cu lo wordo lansa final di aña. Arte ta un manera hopi poderoso pa educa, sra. Nahr ta expresa pa medio di Arte por haya manera unico y creativo pa trece algo cu den otro manera lo ta incomodo pa dilanti. Switch TV ta traha cu estadisticonan local haciendo e documentarionan algo cu hende por identifica nan mes. Cu dramatisacion di testimonio. Poesia, fotografia, y obra teatral tur ta parti di e contenido. SwitchTV ta uza hobennan den comunidad pa dramatiza, hopi hoben ta haya nan mes ta participa. □

